

夫嶺南之西樵也

世之西樵也當進子講席五

口大和之名幾與岳麓白鹿鼎峙故西樵

之山西 續桑園圍志（二） 益為代

佈于殊三角各地是 溫肅 何炳堃 纂修 出現社會

不管是新石器製造場明代理學明中期到清代

續桑園圍志（二）

溫肅 何炳堃 纂修



厚德堂存

續桑園園志

三

續桑園園志卷十一

章程

章程之設所以示遵循垂法守也天下事無法不立而
行法則在乎人昔人所以有用法貴得法外意之論也
前志採錄迭次所擬章程既切要亦詳備矣遵而行之
當永無愆矣然世變無窮或有難以泥古者所貴因時
制宜也若作聰明以亂舊章則非君子所敢出耳志

章程

--	--	--	--	--	--	--	--	--	--

民國五年丙辰十二月十四日南海縣長周公仁順德縣

長呂公炳晨佈告

爲佈告事現據桑園圍董岑兆徵函稱全圍基段經會
合督理同事履勘一週擬趁此隆冬水涸動工修築第
各段基圍多有侵種桑株等物實爲有礙蓋基本土築
土宜固結更藉草根將基面泥土把實草兼能瀉水則
圍基可臻永固若侵佔種植勢必將泥土鬆濶則水易
滲入圍基之傾頽可立見勘得各基段皆有侵種基地
等弊而以南海縣屬沙頭堡之河澎尾順德縣屬龍江

堡之龍江新基又甘竹堡裏海之東安圍等基段爲尤甚自基脚至基面遍種桑株雜糧及全圍基段每多盜塋墳塚實屬不顧公義防礙圍基懇出示并令各局嚴禁等情除分令沙頭等局實行取締外合行佈告桑園圍鄉民人等知悉爾等須知基圍爲田廬保障務期永久鞏固自圍基面至新築基脚毋得侵種桑株雜糧以及盜塋墳塚如敢故違定行拘究此佈

具呈南順桑園圍總理岑兆徵等

爲呈請曉諭各堡清除內河水仙花及督拆箔箔免得交通而利宣洩事竊近日水仙花阻塞河道有碍交通此花生植最速若一堡清除瞬由隣堡蔓延滋生旋滿惟合十四堡趁此春水未生河道範圍狹小水仙花尙未結子遺種各堡同時自行設法一律清除庶除惡務盡免得宣洩經前縣嚴禁有案飭令各圍堡局一律督拆以維水利爲此懇請移知順德縣屬會同出示飭令圍內各圍堡局設法清除水仙花并督拆箔箔免得交通而利宣洩實爲公便此事於三月十一日

在河神廟集議經衆贊同理合據情詳達謹呈

南海縣長李

二月二十九日接南海縣公署指令第二四八號

令桑園圍總理岑兆徵

據呈該圍河內水仙花及取魚箔簾阻碍交通請咨順德縣令
飭清除督拆由

呈單均悉查該呈稱各節係爲利便交通宣洩水道起見候咨
請

順德縣會同飭令各堡局一律清除督拆可也

中華民國十一年三月二十五日

縣長李寶祥

桑園圖

卷十一

肆

九江谷行街宜昌印務承刊

--	--	--	--	--	--	--	--	--

民國 年 月 日開投散工章程

一投散工以價低者得同票先開先得惟須低過本所

欄票方爲有效

一落票者每號收按票銀壹元如不入取者原銀交回

其投得者俟開工之日交還

一工人所用鋤頭鑿繩索大釜及爨具由投得者自

備其住宿棚廠由本所料理該廠各工人如不謹慎

火燭以致燒燬仍爲投得之人是問

一散工晨早七點鐘開工正午休息一點鐘連食晏在

內下午六點鐘收工

一散工每號須舉定攬頭一名担任管理督率之責另
每名設腰牌一個如有懶惰及不聽指揮者按名開
除

一散工以做得半工者乃有銀開支倘無故而做一二
點鐘擅自停工者銀不開支如因風雨所阻做至十
打鐘前停工者工銀給三份之一做至兩打鐘停工
西
者工銀給三份之二

一散工應得之工銀三日一關八成支發留二成俟完

工日查無作弊情事然後清找

一散工所做之工程由本所監督人指揮每日應用工

人多少由本所監督人預日規定

一工人必須勤力耐勞方能入選如有聚賭酗酒爭鬪

滋事者隨時斥退老弱幼穉及廢疾者不能當充

--	--	--	--	--	--	--	--	--	--

民國 年 月 日開投水石章程

一投水石每票收責票銀伍拾元票內須寫明每萬觔

取價若干

一投票以取價最低者得倘有同票先開先得惟必低

過本所攔票者方爲有效

一本圍所用水石不拘何種石總以大塊者爲妙以最

小塊而論不得過伍拾斤以下

一水石或有大塊不能用秤者則用尺量度伸算

一水石到步時由本公所督理員以司碼秤收入毋得